

E PËRGJITHËSHIMEJA LETËR E APOSTULLIT IUDË

1 ¹ Juda shërbëtor' i Iesu Krishtit, edhe vëllai i lakobit, te të thërritunit të shenjtënueshimitë prei Perëndisë Atit, edhe rueitunë prei Iesu Krishtit:

² ndëjesë e paqim e dashuni u shumoftë mbë ju.

³ Të dashunë, mbassi nxitova tepërë me shkruem juve për shpëtimin' e rëndomshim, pata nevojë me u shkruem juve, e me *u* lutunë të luftoni për ate besënë qi u dha njiherë mbë shenjtënit.

⁴ Sepse hynë pshefazë disa nierës, qi ishinë shkruem përpara çë moti ndë këte dënim, *nierës* të pabesë, qi këthejë në hirin' e Perëndisë t'onë mbë ndynësi, edhe mohojënë të vetëminë zotëni Perëndinë, edhe Zotinë t'anë Iesu Krishtinë.

⁵ Edhe due me ua prumë ndër mend, ndonëse ju e ditët këte njiherë, se Zoti si shpëtoi popullin prei dheut Egjyptit, mbasandai hupi ata qi nukë besuenë;

⁶ edhe ata engjijtë qi nukë rueitnë urdhënin' e vet, por lanë vendin' e vet, i ka rueitunë *mbyllunë* nd'errësinët me vargje të pasosunë, për gjyqin' e ditësë madhe;

⁷ porsì Sodoma e Gomorra, edhe ato qytetetë rreth atyneve, qi u dhanë ndë kurvëni kështu porsì ato, e votnë mbrapa tietër mishi, janë vumë përpara për shëmbëllëtyrë, tue u munduem me ziarrm të pasosunë.

⁸ Por kështu edhe këta tue pamë andërna, ndyejë në mishinë, e bajënë për asgja pushtetinë, neminë ofiqetë.

⁹ Edhe Mihailli i par' i engjijvet kur hahei tue luftuem me diallinë për korpin' e Moiseut, s'kucoi me prumë *kundrë ati* ndonji gjykim të nemuni, por tha: Të qartoftë Zoti.

¹⁰ Edhe këta neminë sa *punë* qi nuk' i dinë, edhe sa *punë* të natyrësë qi i dinë, porsì shtasë pa mend, vdirenë ndër ato.

¹¹ Mier ata, sepse ecënë mb'udhë të Kainit, edhe u lishuenë me vrap mbas gënjimit Balaamit për *me marrë* pagë, edhe hupnë ndë kundrë-fjalët të Koreut.

¹² Këta janë palavi ndë gosti të dashunisë tuei, kur hanë gosti me ju pa frikë, e ushqejënë vetëvetëhenë; re pa ujë qi bihenë tutie e tërhu prei erash; dru vieshte pa pemë, dy herë vdekunë, shkulunë prei rrajash;

¹³ valë deti të egra, qi shkumëzojënë turpëniat' e veta; ujë qi bihen' andej e këndeji, për të cillat' ashtë rueitunë errësin' e zezë për gjithë jetënë.

¹⁴ Edhe për këta profetizoi edhe Enohu i shtatti *vetë* mbas Adamit, tue thanë: "Qe tek erdhi Zoti me dhetë mijë shenjtënash vet,

¹⁵ qi të bajë gjyq mbi të gjithë, edhe të qartojë gjithë të pabesëtë *ndërmiet* atyneve për gjithë vepërat' e pabesënis' atyne, qi punuenë pa besë, edhe për gjith' ato fjalët e ashpëra qi folnë kundrë ati fajtorët' e pa-besë".

¹⁶ - Këta jan' asish qi murmurojënë e qjahrenë, tue ecunë mbas dëshërimesh vet; edhe goja e atyneve flet *fjalë* tepërë të trasha, edhe mërekullohenë për disa vetë për me pasunë dobi *prei atyneve*.

¹⁷ Por ju, o të dashunë, kuitoni fjalëtë qi u folnë përpara prei apostujvet Zotit t'ynë Iesu Krishtit,

¹⁸ se u thoshinë juve, se: "Ndë kohë të mbrapëme do të jenë përqeshësa, qi *do t'ecinë* mbas dëshërimesh pabesëniavet veta".

¹⁹ Këta jan' ata qi dajënë vetëvetëhenë, porsì shtasë qi s'kanë shpirt.

²⁰ Por ju, o të dashunë, tue ngrefunë vetëhenë tuei përmbi fort të shenjtënueshimenë besë, e tue u falunë ndë Shpirt Shenjt,

²¹ rueni vetëhenë tuei ndë dashuni të Perëndisë, tue pritunë përdëllimin' e Zotit t'ynë Iesu Krishtit, për jetë të pasosëme.

²² Edhe disa i përdëlleni, tue bamë të sgjedhunë;

²³ edhe disa të tierë i shpëtoni me frikë, tue i rrëmbyem *ata* prei ziarrmit, e tue pasunë mëni edhe *ate* petëkunë qi ashtë shgryem prei mishit.

²⁴ Edhe mb'ate qi mundetë me u rueitunë të pafaj, e me *u* qindruem përpara laftit vet faqe-bardhë me gëzim,

²⁵ mbë të vetëminë të ditshiminë Perëndi edhe Shëlbuesinë t'anë, *qoftë* laft edhe madhëni, urdhën' edhe pushtet, edhe tashi edhe mbë gjithë jetët. Amen.